

17. gr.

93

Félaginu má slita, ef $\frac{2}{3}$ félagsmanna samþykkja það, og skal þá jafna skuldum eða eignum félagsins niður á félagsmenn, ef einhverjar eru.

25. júní

Samþykkt þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.

A R Ð S K R Á

94

fyrir fiskræktar- og veiðifélag Laugdælinga.

25. júní

Arður og gjöld skiptast milli eftirtaldra jarða sem hér segir:

Hagkot	6 $\frac{1}{4}$	einingar
Strandsel	10	—
Blámýri	9 $\frac{1}{4}$	—
Hrafnabjörg	13	—
Birnustaðir	16 $\frac{3}{4}$	—
Laugarból	16 $\frac{3}{4}$	—
Eiríksstaðir	14	—
Efstidalur	14	—

Alls 100 einingar

Arðskrá þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.

S A M Þ Y K K T

95

fyrir fiskræktar- og veiðifélag Rangár.

25. júní

1. gr.

Félagið heitir Fiskræktar- og veiðifélag Rangár. Heimili þess og varnarþing er að þingstað Ljósavatnshrepps í S.-Þingeyjarsýslu.

2. gr.

Markmið félagsins er að koma á laxveiði í Rangá og gera hana arðsama með því:

1. að stunda laxaklak eða kaupa laxaseiði;
2. að reka laxveiði fyrir alla félagsmenn sameiginlega á einum eða fleiri stöðum ef henta þykir.

3. gr.

Félagið hefur umráð yfir öllum rétti til laxveiði í þessum vötnum: Rangá í Ljósa- vatnshreppi og öllum þverám og lækjum, sem í hana falla. Félagsmenn eru allir eigendur og ábúendur þeirra jarða, sem land eiga að nefndum vötnum, en þær eru: Finnsstaðir, Fellssel, Hlíð, Yztafell, Gvendarstaðir, Hrappsstaðir, Hóll, Hnjúkur, Garðshorn, Háls, Torfunes, Ófeigsstaðir, Þóroddsstaður og Staðarholt.

4. gr.

Óheimilt er öllum að veiða lax í þessum vötnum, nema með sérstöku skriflegu leyfi félagsstjórnar. Skal þar tekið fram um veiðitíma og veiðitæki og með hvaða kjörum leyfið er veitt.

5. gr.

Heimilt er félagsstjórn að leigja ár á félagssvæðinu, eða hluta af þeim, einstökum mönnum eða félögum til stangaveiði, ef sýnilegt þykir, að það sé hagur fyrir félagið. Þó má það leyfi ekki vera nema til eins árs í senn, nema lögmætur fundur samþykki að tekið hafi verið fram í fundarboði, að slíkt veiðileyfi væri til umræðu.

6. gr.

Félagið starfrækir laxaklak á þeim stað eða stöðum, sem félagsstjórn velur í samráði við fiskræktarráðunaut, eða kaupir laxaseiði. Kostnaði við það skal jafna á félagsmenn, eftir þeim hlutföllum, sem arðskrá félagsins til tekur. Sleppa skal í Rangá minnst hundrað seiðum fyrir hvern lax, sem veiðist í henni.

7. gr.

Stjórnina skipa þrjú menn: formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig: formaður gengur úr eftir eitt ár, annar meðstjórnandi eftir tvö ár, eftir hlutkesti. Síðan helzt sama röð. Enginn atkvæðisbær félagsmaður getur skorast undan kosningu nema lögmæt forföll hamli eða hann hafi verið þrjú ár í stjórn.

8. gr.

Stjórnin hefur á hendi umsjón með öllum framkvæmdum á milli aðalfunda. Hún hefur eftirlit með því að lögum félagsins sé hlýtt, og má hún ráða menn sér til aðstoðar, þó án kostnaðar fyrir félagið. Formaður er fulltrúi félagsins út á við og hefur umsjón með störfum þess og fjárreiðum þess öllum.

9. gr.

Aðalfundur heldur félagið fyrir lok marz mánaðar ár hvert. Aðalfundur er lögmætur, ef hann er boðaður hverjum félagsmanni með minnst þriggja daga fyrirvara og sé fundarefnið getið í fundarboði. Á aðalfundi skýrir stjórnin frá störfum félagsins á liðnu starfsári, leggur fram áætlun og tillögur um starfsemi þess á næsta ári. Þar leggur hún og fram endurskoðaða reikninga félagsins og úrskurðar fundurinn um þá. Aðalfundur kys stjórn og endurskoðunarmenn félagsreikninganna. Hann kveður á um laun stjórnar og annarra starfsmanna félagsins. Afl atkvæða ræður úrslitum mála á félagsfundum, nema um breytingar á samþykktum sé að ræða eða félagsslit.

10. gr.

Aukafundi heldur stjórnin, þegar henni þykir ástæða til, eða ef að einn fjórði félagsmanna óska þess og tilgreina fundarefni.

11. gr.

95

Reikningsár félagsins er almanaksárið. Skulu reikningar þess fullgerðir fyrir 25. júní aðalfund og lagðir þar fram endurskoðaðir til úrskurðar.

12. gr.

Arði af sameiginlegri veiði og svo öllum gjöldum, er af starfsemi félagsins leiða, skal skipt niður á félagsmenn samkvæmt arðskrá, sem lögmætur fundur samþykkir og undirrituð er af tveim þriðju félagsmanna. Gildir hún til fimm ára í senn. Náist ekki samkomulag um nýja arðskrá að þeim tíma liðnum, gildir gamla arðskráin áfram. Þó geta þeir, sem telja sig vanhaldna um skiptingu arðs, krafizt þess, að skorið sé úr ágreiningi með mati.

13. gr.

Félagsmenn skulu greiða kostnað af starfsemi félagsins í sömu hlutföllum og þeir taka arð. Eigi má úthluta öllum arði samkvæmt 12. gr. fyrr en eftir aðalfund, enda sé tekjuafgangur á ársreikningi félagsins.

14. gr.

Brot á lögum þessum varða sektum allt að fimm hundruð krónum, og veiði eða andvirði hennar gerð upptæk og renni í félagssjóð.

15. gr.

Lögum þessum verður ekki breytt nema tveir þriðju mættra félagsmanna á aðalfundi samþykki breytinguna og hafi þess verið getið í fundarboði.

16. gr.

Félaginu má slíta ef tveir þriðju félagsmanna óska þess.

Samþykkt þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.

ARÐSKRÁ

96

fyrir fiskræktar- og veiðifélag Rangár.

25. júní

Hrappsstaðir	11	hundraðshluti
Hóll	8	—
Garðshorn	3	—
Háls	6	—
Torfunes	9	—
Ófeigsstaðir	8	—
Þóroddsstaður og Staðarholt	9	—
Finnsstaðir	1	—
Fellssel	10	—
Yztafell	15	—